

Raul Amundaray na Aruba pa filma un documentario di e Pais

ORANJESTAD (AAN) -- Diasabra ayega Aruba e actor Raul Amundaray for di Venezuela cu su equipo pa cuminsa cu e filmacion di un documentario cu lo yama "Arubacon Amor".

E documentario lo trata di

muera na munda e bunitesa, historico y hendenan di nos pais Aruba. Esaki no solamente riba tereno turistico sino tambe ariba tereno cultural. E actornan y personanenan cu lo actua den e documentario aki ta neta-

mente Arubiano.

Esaki ta un soño cu semper Amundaray tabata tin y cu lo bira un realidad. Cooperacion a ser pidi na varios instancianan na Aruba pa e realisacion di e proyecto aki.

"Gracias na e cooperacion di e gobierno actual, oficina di turismo, Departamento di Cultura, Biblioteca Nacional y Mascaruba e documentario por ta posible", Amundaray a bisa na su yegada.

Raul Amundaray kier a gradici e pueblo di Aruba di antemano pa tur cooperacion cu lo nan por brinda den e

dianan siguiente durante e proceso di e filmacion di e documentario cu lo haci Aruba conoci na henter mundo.

Amundaray a manifesta "mi a haci un promesa di trece un imagen di e Virgen di Coromoto pa regala un iglesia na Aruba si e proyecto aki logra, y pesey mi a bin cuncu".



Mas di 900 lidernan di barrio di MEP a atende e reunion ayera mainta na Rooi Lamoenchi jama pa e partido geel. A ser papia ariba e ultimo desarojo di gobierno, y preparacion pa e manifestacion cu lo tuma lugar dentro di poco dia mas.

Premio internacional pa Centro Kibrahacha

ORANJESTAD (AAN)-- Un premio internacional lo worde otorga na Centro Kibrahacha pa e valioso aporte cu e ta significa pa comunidad y e ehemplo cu e ta representa pa iniciativa priva.

Na luna di Mei Aruba lo ta sede di un congreso internacional di Rotary. Un cantidad di pais a inscribi pa e evento, cu lo trece alrededor di Mil persona Aruba.

Si pa ser anfitrión ya Aruba lo ta den centro di atencion, Rotary Club di Aruba lo ocupa un lugar central ora un proyecto di e Club, Centro Kibrahacha, lo ricibi homenaje especial.

Segun informacion cu DIARIO a ricibi, e centro cu diariamente ta ocupa su mes cu ancianonan, a exige atencion pa su significacion pa comunidad, e necesidad cu e ta cubri pero tambe pa su forma di funcionamiento. E

proyecto, cu a worde inicia y ehecuta pa Rotary di Aruba, a yena un vacio enorme cu tabata existi ariba tereno di cuidu di ancianonan y e bon uso cu ta worde haci di e centro, cu a bira un proyecto cu a sigui funciona y cada bez a mehora su servicionan, ta ehemplar y a capta vista di otro clubnan di Rotary pa awor haya un puesto di honor.

LESA DIARIO

Finalisacion di curso: management escolar

ORANJESTAD (AAN)-- Den e siman di 18 pa 21 di April proximo e curso di management escolar "E cabesante di school y su team" lo finalisa.

Pa e ocasion aki lo bini for di Hulanda sr. Drs. Gert Leertouwer, stafdocente di Hoge School Interstudie; sector Management escolar. E finalisacion aki ta toca e segundo conferencia pa e participantenan.

Ariba e curso lo worde enfoca ariba dos tema central:

1. Ampliacion di saber y habilidadnan pa loke ta duna guia na un team di school.
2. Sistemanan di resolve

problema dirigi ariba e mihor funcionamiento di e team

Después di e conferencia aki e participantenan, cabesantenan di school, lo ricibi nan certificadonan correspondiente, cual ta un documento conhunto di Hogeschool Interstudie y Stichting Onderwijsorganisatie.

Otorgamento lo tuma lugar ariba Diahuebs 21 di April pa 21.00 p.m. den Kowloon Restaurant.

E siman aki Congreso anual di SEPA

ORANJESTAD (AAN) -- E congreso anual di SEPA ta tuma lugar e siman aki ariba dianan 22 y 23 di April.

Segun informacion cu DIARIO a ricibi, ya tur e delegadonan di SEPA a haya e convocacionnan

SEPA ta trahando pa stencil tur e relatonan financiero di 1987, relato di acontecimien-

to di 1987, plan di trabao y presupuesto pa 1988, pa tur delegadonan y miembronan haya.

Na e momentonan aki e cambianan di statuto di SEPA aproba den e ultimo congreso ta cerca gobierno pa aprobacion.

Diahuebs 21 di April lo ta un dia di informacion pa e delegadonan

SOPHY'S
TABLE TONE
BODY BOUTIQUE

Phone
22616

Italiestraat #2
Eagle Oranjestad

SOPHY'S TABLE TONE BODY BOUTIQUE
ta ofrece entrante 15 di april te cu 15 di mei:
UN OFERTA ESPECIAL en coneccion cu
"DIA DI MAMA"

Pasa na Sophy's y purba nos mesanan motoriza cu ademas di ta yudabo baha peso ta relaja bo musculonan, despues di un dia di hopi cansancio.

Yama nos awe mes pa un cita of pasa personalmente

Lagoen Esso ServiCenter

CAR CARE

Headquarters

TA OFRECE:

DIALUNA te cu DIA VIERNAS

su servicio di labamento di auto!

e servicio

ta inclui labamento Pafo i limpieza interior di bo auto.

YAMA 21319
PA MAS

INFORMACION